

ՈՐՈՇՈՒՄ

ԱՆՀԱՏԱԿԱՆ ԴԻՄՈՒՄԻ ԸՆԴՈՒՆԵԼԻՈՒԹՅԱՆ ՀԱՐՑԻ ԿԵՐԱԲԵՐՅԱԼ
քաղ. Երեւան 13 մայիսի 2009թ.

Հայաստանի Հանրապետության Սահմանադրական դատարանի 1-ին
դատական կազմը

Նախագահությամբ՝ Կ. Բալայանի
Անդամակցությամբ՝ Վ. Հովհաննիսյանի
Ջ. Դուկասյանի

Քննության առնելով քաղ. Արամ Սարգսյանի եւ Ա. Ջեյնալյանի դիմումի ընդունե-
լիության հարցը

ՊԱՐՁԵՑ

1. Քաղ. Արամ Սարգսյանը եւ Արտակ Ջեյնալյանը 28.04.2009թ. դիմել են սահմանա-
դրական դատարան՝ վիճարկելով ««Ժողովներ, հանրահավաքներ, երթեր եւ ցույցեր անց-
կացնելու մասին» ՀՀ օրենքում փոփոխություններ եւ լրացումներ կատարելու մասին» 2008թ.
մարտի 17-ի ՀՕ-1-Ն օրենքի 1 հոդվածի, 2 հոդվածի 1-ին մասի, 5 եւ 6 հոդվածների
սահմանադրականությունը:

2. Դիմողներն իրենց գործով կայացված՝ ՀՀ վարչական դատարանի 2008թ. մարտի
27-ի թիվ ՎԴ-2421/05/08 վճռի դեմ վճռաբեկ բողոք են բերել 2008թ. սեպտեմբերի 5-ին՝ ՀՀ
քաղաքացիական դատավարության օրենսգրքի 229 հոդվածով սահմանված ժամկետի
ավարտից շուրջ երեք ամիս անց՝ միջնորդելով վճռաբեկ բողոք բերելու համար օրենքով
սահմանված ժամկետը բաց թողնելու ժամկետը ճանաչել հարգելի: Վճռաբեկ դատարանն
իր 2008թ. հոկտեմբերի 1-ի որոշմամբ, մերժելով նշված միջնորդությունը, որոշել է
վերադարձնել վճռաբեկ բողոքն այն պատճառաբանությամբ, որ այն ներկայացվել է
օրենքով նախատեսված ժամկետից ուշ:

3. ՀՀ Սահմանադրության 101 հոդվածի 6-րդ մասի, «Սահմանադրական դատարանի
մասին» ՀՀ օրենքի 69 հոդվածի 1-ին մասի համաձայն՝ անձը կարող է կոնկրետ գործով իր

սկատմամբ վերջնական դատական ակտով կիրառված օրենքի դրույթի սահմանադրականությունը որոշելու խնդրանքով սահմանադրական դատարան դիմել միայն այն դեպքում, երբ սպառվել են դատական պաշտպանության բոլոր միջոցները:

4. Հաշվի առնելով այն հանգամանքը, որ վճռաբեկ բողոք բերելու համար օրենքով սահմանված ժամկետը բաց թողնելու պատճառը հարգելի ճանաչելու վերաբերյալ դիմողների միջնորդությունը վճռաբեկ դատարանի կողմից մերժվել է՝ դատական կազմը գտնում է, որ դիմողներն օրենքով սահմանված կարգով չեն սպառել դատական պաշտպանության բոլոր միջոցները:

Ղեկավարվելով «Սահմանադրական դատարանի մասին» ՀՀ օրենքի 32 հոդվածի 9-րդ կետով, 69 հոդվածի 1-ին և 7-րդ մասերով, ՀՀ սահմանադրական դատարանի կանոնակարգի 25 հոդվածի «գ» կետով, սահմանադրական դատարանի 1-ին դատական կազմը

Ո Ր Ո Շ Ե Ց

Քաղ. Արամ Սարգսյանի և Արտակ Ջեյնալյանի՝ ««Ժողովներ, հանրահավաքներ, երթեր և ցույցեր անցկացնելու մասին» ՀՀ օրենքում փոփոխություններ և լրացումներ կատարելու մասին» 2008թ. մարտի 17-ի ՀՕ-1-Ն օրենքի 1 հոդվածի, 2 հոդվածի 1-ին մասի, 5 և 6 հոդվածների սահմանադրականությունը վիճարկելու մասին դիմումի հիման վրա գործի քննությունը մերժել:

Նախագահող՝
անդամներ՝

Կ. Բալայան
Վ. Հովհաննիսյան՝
Զ. Ղուկասյան

